



Krizni štab Ministarstva zdravstva, rada i socijalne politike Unsko-sanskog kantona

Krizni štab Ministarstva zdravstva, rada i socijalne politike Unsko-sanskog kantona, u cilju daljnjeg praćenja situacije i poduzimanja mjera radi sprječavanja i ranog otkrivanja slučajeva bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprječavanje i suzbijanje od interesa za Federaciju BiH, u skladu sa članom 1., 6 i 8. Pravilnika o organizaciji i načinu rada Kriznog štaba Federalnog ministarstva ("Službene novine Federacije BiH", broj 10/12), tačke 3. poglavlja I. Opće naredbe, utvrđene Naredbom Kriznog stožera Federalnog ministarstva zdravstva, br.01-33-4670/20 od 20.08.2020.godine, na 40.sjednici, održanoj dana 03.09.2020.godine, donio je sljedeću

**N A R E D B U**

1. Na temelju procjene COVID-19 epidemiološke situacije na području Unsko-sanskog kantona, a u cilju sprječavanja širenja infekcije COVID-19, reducira se broj osoba koje se okupljaju u zatvorenom i otvorenom prostoru, poput: vjenčanja, krizmi, dženaza, sprovoda i sličnih događaja i skupova.

2. Dozvoljeno je okupljanje ljudi na određenom prostoru i to:

- maksimalno 30 ljudi u zatvorenom prostoru
- maksimalno 70 ljudi na otvorenom prostoru.

3. Sva okupljanja unutar ograničenja iz tačke 2. ove naredbe, moraju se odvijati pod uvjetima i na način propisan Naredbom Kriznog stožera Federalnog ministarstva zdravstva, br.01-33-4670/20 od 20.08.2020.godine ( nošenje maski, fizička distanca, preporuke Zavoda za javno zdravstvo Federacije BiH i drugo.)

4. Radi obezbjeđenja provođenja ove naredbe, ista će se na nadležno postupanje dostaviti Ministarstvu unutrašnjih poslova USK i Upravi za inspeksijske poslove USK.

5. Ova naredba stupa na snagu danom donošenja i objavit će se na web stranici Vlade USK.

Broj: 09-33-10234-8/2020  
Bihać, 03.09.2020.godine



**Predsjednica Kriznog štaba MZRSP USK**

Ministrica

dr. sci. prim. Nermina Ćemalović